

**KOMISIJA ZA TUMAČENJE KOLEKTIVNOG UGOVORA ZA DJELATNOSTI
PREDŠKOLSKOG ODGOJA I OSNOVNOG ODGOJA I OBRAZOVANJA U
KANTONU SARAJEVO**

Na osnovu člana 172. Kolektivnog ugovora za djelatnosti predškolskog odgoja i osnovnog odgoja i obrazovanja ("Službene novine Kantona Sarajevo", broj: 24/22, 40/22, 7/24, 29/24 i 39/24 – u daljem tekstu: Kolektivni ugovor), Komisija za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo na 38. sjednici održanoj 05.03.2025. godine, donijela je

**Autentično tumačenje člana 66. stav (1) tačka e) Kolektivnog ugovora za djelatnosti
predškolskog odgoja i osnovnog odgoja i obrazovanja Kantona Sarajevo
(„Službene novine Kantona Sarajevo“, broj: 24/22, 40/22, 7/24, 29/24 i 39/24)**

„Član 66.

*(1) Osnovna plata radnika uvećava se za:
e) rad subotom i nedjeljom – 30%,“*

Pravo iz člana 66. stav (1) tačka e) Kolektivnog ugovora radnik ostvaruje i kada je po nalogu poslodavca upućen na službeno putovanje u zemlji ili inostranstvu, uz uslov da je u toj radnoj sedmici imao ispunjen puni fond radnih sati, odnosno odredba iz člana 66. stav (1) tačka e) i odredba iz člana 73. Kolektivnog ugovora pod navedenim uslovima se međusobno ne isključuju.

Odluka o autentičnom tumačenju člana 66. stav (1) tačka e) Kolektivnog ugovora je donesena na 38. sjednici Komisije održanoj 05.03.2025. godine jednoglasno konsenzusom.

ČLANOVI KOMISIJE

Abid Fejzić, predstavnik Poslodavca

Saudin Sivro, predstavnik Sindikata

Seada Mulaomerović, predstavnik Poslodavca

Envera Šukman, predstavnik Sindikata

**KOMISIJA ZA TUMAČENJE KOLEKTIVNOG UGOVORA ZA DJELATNOSTI
PREDŠKOLSKOG ODGOJA I OSNOVNOG ODGOJA I OBRAZOVANJA U
KANTONU SARAJEVO**

MINISTARSTVO ZA ODGOJ I OBRAZOVANJE KANTONA SARAJEVO

n/r ministrice

**SAMOSTALNI SINDIKAT OSNOVNOG OBRAZOVANJA I ODGOJA FBIH -
KANTONALNI ODBOR KANTONA SARAJEVO**

n/r predsjednika

PREDMET: Dostava tumačenja po zahtjevu

Komisiji za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22, 40/22, 7/24, 29/24 i 39/24 – u daljem tekstu: Kolektivni ugovor) obratio se Sindikat, kao ugovorna strana Kolektivnog ugovora, a vezano za zahtjev Kantonalnog inspektora rada, Muvedete Šetić, akt Inspektorata rada, zaštite na radu i socijalne zaštite broj: UP-1-14-09-30-00218/25-09/38 od 23.01.2025. godine (dopis direktora Kantonalne uprave za inspeksijske poslove, broj: UP-1-14-09-30-00218/25 od 23.01.2025. godine) koji se odnosi na tumačenje člana 66. stav (1) tačka e), a vezano za primjenu člana 73. Kolektivnog ugovora u dijelu utvrđivanja obaveze ustanove za isplatu naknade za vrijeme trajanja službenog putovanja (pratnja i rad sa učenicima koji su bili na takmičenju) i uvećanja osnovne plate za rad subotom (neradni dan).

U vezi s navedenim, obavještavamo Vas da je Komisija na 38. sjednici održanoj 05.03.2025. godine, donijela autentično tumačenje člana 66. stav (1) tačka e) Kolektivnog ugovora, koje Vam dostavljamo u prilogu ovog akta radi dostavljanja istog podnosiocu zahtjeva za tumačenje.

Podsjećamo da je članom 172. Kolektivnog ugovora propisano da tumačenja Komisije imaju pravnu snagu i učinak ovog Kolektivnog ugovora te da je obaveza Ministarstva za odgoj i obrazovanje Kantona Sarajevo da tumačenje objavi na službenoj internet stranici Ministarstva, a obaveza Sindikata je da tumačenje objavi na službenoj internet stranici Sindikata.

S poštovanjem,

**Komisija za tumačenje Kolektivnog ugovora za
djelatnosti predškolskog odgoja i osnovnog
odgoja i obrazovanja u Kantonu Sarajevo, s.r.**